



Pasukan UPM ceria meraikan kejayaan dalam acara memanah temasya SUKIPT 2018 di UKM, Bangi, semalam.

SUKIPT 2018

UPM kuasa sukan memanah



Bangi: Universiti Putra Malaysia (UPM) membuktikan mereka adalah kuasa sukan memanah apabila menjadi pemenang pingat terbanyak sepanjang lima hari acara itu dipertandingkan pada temasya Sukan Institusi Pendidikan Tinggi (SUKIPT) 2018.

Ia memenangi enam pingat emas, empat perak dan tiga gangsa untuk mengatasi Uni-

versiti Sultan Zainal Abidin (UNISZA) yang memenangi lima emas, tiga perak dan empat gangsa sementara Universiti Teknologi Mara di tempat ketiga (dua emas, satu perak, tiga gangsa).

Bolot empat emas

UPM turut cemerlang apabila membolot empat emas yang dipertandingkan pada hari

terakhir kejohanan masing-masing dalam acara compound berpasukan lelaki dan wanita selain recurve berpasukan lelaki dan wanita.

Ketua jurulatih memanah UPM, Faiz Mokhtar Lopi berkata, sikap tidak mengenal erti putus asa meskipun sibuk dengan pelajaran serta disiplin tinggi menjadi antara faktor utama kejayaan kali ini.

Pada aksi di Universiti Kebangsaan Malaysia (UKM) itu, pemanah UPM, Mohd Alif Adha Hassan cemerlang mengutip tiga emas dan satu perak sepanjang temasya berlangsung.

Atlet berusia 25 tahun itu berkata, dia berpuas hati dengan prestasi kali ini sekali gus menyifatkan ia adalah pencapaian terbaik dirinya.

Oleh Mohd Khairie Khalid